



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De deuotis congregationibus & monasterijs, ab eo exortis. XV.

[urn:nbn:de:hbz:466:1-45790](#)

sor, qui sic Deum dilexit, ut proximū non negligeret: sic ad cælestia mentem erexit, ut necessitatibus aliorum non decesset: qui non tantum propriæ saluti intendit; sed multis prodesse, & secum ad perfectiorem vitam ducere satagebat.

4. Erat enim vultu hilaris, affatu benignus, mente tranquillus, habitu humilis, vietu sobrius, consilio sagax, iudicio discretus; rigidus contra vitia, feruidus ad virtutes; ocium fugitans, semper aliquid utilitatis pro ædificatione exercens; simplicitatem diligens, humilia sectans, cælestia meditans; interna penetrans; lectionibus & orationibus sedulò vacans; Deum semper præ oculis habens, iura Ecclesiæ sollicitè custodiens, atq; seculari bus bonū exemplū præbens; nūl terreni commodi ex prædicatione quærens; sed animarū lucra pensans, ac gratis sine ecclesiasticis sumptibus euangelizans. Quamuis ergo longeum vitā non duxit senio fessam, in breui tamen tempore multum fructū prædicatione sua protulit, & deuotissimos post se discipulos ac fratres in diversis locis reliquit, quos ipse primò nouæ lucis grātia, qua imbutus erat, fideliter instruxit & accendit.

C A P V T X V.

De deuotis congregationibus & monasteriis, ab eo exortis.

1. O ptimè autē æterna Patris sapientia supernaq; clementia prouidit, vt senescenti iam mundo, & ad deteriora vergēti, talis ac tantus magister tanquam cælestis legatus destinatur, lorica fidei indutus, & sanctitate virgē suffultus: per quem religio sacra refloreret, & deuotio Christiani populi, ad diuini cultus studium & obseruantia decalogi, frequenter eius sermonibus erudita incalcesceret, atque opera misericordie in pauperes exerceret. Non enim imperiti hominis opus esse videbatur, tot hominū malitiis posse resistere: & de profunda peccatorū caligine, pereunte animas ad veritatis lucē reuocare. Sed huic doctissimo viro & in multis experto, gratia diuina prædicandi tribuit facultatem, qui vitæ merito & doctrina cælesti plenissimè instructus, alios præcellebat; & contemptum mundi, non in humanæ sapientiæ verbis, sed sanctæ cōuersationis exemplis, suis auditoribus efficacius persuadebat. Tantusq; affectus audiendi verbum Dei in populo fuit, ut turbam conuenientē ecclesia vix caperet. Nam multi sua prandia relinquebāt; & negotia necessaria suspendentes, ad eius sermonem pia prorsus aviditate tracti concurrebant. Sæpe namq; duos sermones uno die prædicauit, & quandoq; spiritu fervoris concepto, tribus horis aut amplius sermonem continebāt. Prædicauit autem in principalioribus

Iioribus ciuitatibus dieccesis Traiectensis; Dauentriae, Svuollis, Campis pluribus vicibus; & in Traiecto, cōram vniuerso clerico atque in Hollandie partibus, Lexdis, Delfi, Gaudæ, & in Amsterdamo primum sermonem teutonicum, & in compluribus aliis oppidis ac vallis famatis; ubi sperabat aliquem fructum facere, & nouum populi Deo parturire. Et benedictus Deus, qui misso desuper Spiritu sancto, accendit corda fidelium suorum, & auxit populum suum vehementer; ut de paucis granis conuersis, surgerent multæ congregations deuotorum fratrum & sororum, in castimonia vitæ Deo seruientium; ex quibus nonnulla monasteria regularium ac sanctimonialium seminarum, initium sanctæ conuersationis acceperunt.

2. Magna laus magistri Gerardi, quod de origine ac fonte prædicationis eius stirps tanta processit; quæ nec post mortem eius, licet nouiter plantata in agro dominico, germinare cessauit. Si quidem primò ad proximas regiones Hollandiæ, Geldriæ, Brabantia; dehinc ad remotiores partes Flandriæ, Frisiæ, Westfaliæ, Saxoniam, ordo regularis & deuotorum conuentus (Deo prosperante) cursim emanauit. Insuper ad audientiam apostolicæ sedis, ordo bonæ opinionis peruenit. Ipse namque venerabilis magister Gerardus, spiritu Dei repletus, cum videret paulatim numerum discipulorum suorum augmentari, & ad studiū cœlestis exercitiij conflagrare, operam dedit & consuluit, ut deuoti quandoque in unam domum pro mutua exhortatione conuenirent, & de Deo ac charitate seruanda sincere tractarent. Et si qui simul stare vellent, de labore manuum suarum victum quecerent; & communem vitam, quantum possent, sub disciplina ecclesiastice tenerent. Nullum etiam permisit publicè mendicare, nisi euidentis necessitas coegerisset. Nec curiosè per domos sub obtentu alimoniae circuire, sed potius domi manere, & operi manuali, ut Paulus docuit, insistere suasit: Neque aliqua negotia deuotionis impeditiva, spe vberioris lucri, censuit exercenda, ne diabolo instigante, daretur infirmis occasio recidiuandi rursum ad pristina mala.

3. Habuit etiam in proposito ædificandi monasteriū clericorum ordinis Canonicorum regulariū, volens quosdam de idoneis clericis sibi adhærentibus, ad religionis habitu promouere, ut aliis deuotis essent in exempli, & aduentantibus aliunde clericis vel laicis, bonæ cōuersationis iter ostenderent. Ad huic ordinem regularium instruendum præcipue inductus fuit, propter singularem reverentiam & amorē venerabilis domini Ioannis Rusebroec, primi prioris Viridis vallis, & aliorū ibidem religiosè conuersantium probatissimorū fratrum in ordine regulari,

2. Thes. s.



gulari, quos dudum personaliter in Brabantia visitauerat, à quibus magnam edificationis formam, ob multam ipsorum humilitatem, & simplicis habitus deferentiam, traxit & annotauit. Cū igitur pro loco religioni apto & monasterio fundando diligenter instaret, mortalitate praeuentus nō potuit perficere, quod optauit. Sed Deo regi immortali & inuisibili omnium rerū conditori, intentū voluntatis suæ pro operis effectu obtulit, ac totum desiderium monasticæ constructionis, charissimis discipulis suis ab eo conuersis, perficiendū commisit: hortans, ne tantum bonum ipso defuncto sospiretur, sed pro honore Dei ampliando, omnes pariter consilium præstarent & iuuamen. Ex his fuerunt, qui monasterium in Windesem, & domum S. Agnetis in monte prope S. vuollas, primitus Deo iuuante fundauerunt.

C A P V T X V.

De feliei obitu eius, & sepultura.

1. **S**entiens itaque fidelis & prudens seruus Domini magister Gerardus, dierum suorum adesse finem, ut pote communis mortalitatis fulmine percussus, salutare viaticum petijt & accipit. Insuper plagam Domini patienter tolerans, cum electis non refugit flagellari; vt irā omnipotentis iudicis tanto facilius placaret, quanto humilius & libetius præsentia flagella sustineret. Igitur omnimodo voluntati diuinæ se resignans, & ordinationi supernæ sponte se subiiciens, agonē suum fiducialiter Domino commendauit, ita ad astantes sibi fratres breuiter loquens: En vocor à Domino, & tēpus resolutionis meæ instat. Augustinus & Bernardus pulsat ad ostium, non possum' præterire terminum à Deo constitutum. Cogor cum mortalibus ceteris, debitum persoluere carnis. Deus tueatur exitum meum, pergaat sp̄ritus ad Dominum, qui fecit illum. Tegat terra corpusculū de terra sumptū, non diu ibi mansurum. Det mihi Deus inuenire requie post mortem, pro cuius amore laboravi, scripsi, & prædicaui.

2. Contristati verò nimis discipuli eius, & profundè ingemiscentes dixerunt: Quid iā vtrā faciemus, & quis de cætero nos informabit? Tu pater & defensor noster fuisti, & ad Dominum nos traxisti. Iam aduersarij nostri letabuntur, & seculares nos subsannabunt, dicentes: Non habent isti ducem ac principem, ideo citò redigentur in nihilum. Si te viuente ausi fuerunt nos deridere & maledicere, quid facient te decedente? Cadat oratio tua pro nobis, & fer citò auxilium filijs derelictis. Tuo consilio nos emendare incepimus, adiuua, vt perseueremus. Videns pius & misericors magister corda filiorum suorum, de suo transitu grauiter contristari, benignam consolationem intulit